



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: A-138-7/18

Datum: 12.04.2018. godine

Na osnovu čl. 69. stav (1) i 70. Zakona o javnim nabavkama Bosne i Hercegovine („Službeni glasnik BiH“, broj 39/14) i člana 34. Pravilnika o javnim nabavkama Tužilaštva/Tužiteljstva BiH broj: A-97/17 od 25.05.2017. godine v.d. glavnog tužioca Tužilaštva-Tužiteljstva BiH d o n o s i

O D L U K U
o izboru najpovoljnijeg ponuđača

Član 1.

(Predmet odluke)

Ugovor o nabavci dizel električnog agregata za potrebe Tužilaštva-Tužiteljstva Bosne i Hercegovine, dodjeljuje se ponuđaču **Energoinvest SUE d.d. Sarajevo**.

Član 2.

(Kriterij za dodjelu ugovora)

(1) Ponuda ponuđača iz člana 1. ove odluke zadovoljava sve uslove utvrđene u predmetnom konkurentskom zahtjevu za dostavu ponuda.

(2) Ponuđaču iz člana 1. ove odluke, ugovor će biti dodijeljen u skladu sa elementima Ponude, te uslovima i kriterijima utvrđenim u Obavještenju o nabavci i Konkurentskom zahtjevu za dostavu ponuda.

Član 3.

(Stupanje na snagu)

Ova odluka stupa na snagu danom donošenja.

O b r a z l o ž e n j e

Postupak javne nabavke proveden je putem konkurentskog postupka. Obavještenje o nabavci objavljeno je na web portalu: <https://www.ejn.gov.ba/>, broj obavještenja: 435-7-1-220-3-12/18 od 28.03.2018. godine. Primljene su dvije ponude ponuđača: Energoinvest SUE d.d. Sarajevo sa ponuđenom cijenom od 36.900,00 KM bez uključenog PDV-a i ALBAT d.o.o. Sarajevo sa ponuđenom cijenom od 37.000,00 KM bez uključenog PDV-a.

Na osnovu Odluke o imenovanju Komisije za provođenje postupaka javnih nabavki Tužilaštva-Tužiteljstva BiH za 2018. godinu, broj: A-534/17 od 27.12.2017. godine i dopune Odluke o imenovanju Komisije za provođenje postupaka javnih nabavki Tužilaštva-Tužiteljstva BiH, broj: A-534-1/17 od 11.01.2018. godine članovi Komisije (u daljem tekstu: Komisija), izvršili su pregled i ocjenu ponuda (Zapisnik o pregledu i ocjeni ponuda i izvještaju o radu Komisije) i utvrdili sljedeće:

Analizom dostavljenih ponuda i poređenjem istih sa zahtjevima navedenim u Tenderskoj dokumentaciji i Tehničkoj specifikaciji za nabavku dizel električnog agregata, broj: A-138-2/18 od 28.03.2018. godine utvrđeno je da ponuđač ALBAT d.o.o. Sarajevo u svojoj ponudi **nije dostavio**

prihvatljive potvrde o uredno izvršenim ugovorima, kako je traženo tačkom 3.1.3. Tenderske dokumentacije odnosno „Potvrdu za jedan ili više potpuno i uredno izvršena ugovora koji je/su izvršen u posljednje tri godine ili od datuma registracije, početka poslovanja, ako je ponuđač registrovan, počeo sa radom prije manje od tri (3) godine i koji je/su za predmet imao/li isporuku, instalaciju i puštanje u rad predmeta nabavke čija je vrijednost, odnosno ukupna vrijednost ako se radi o više ugovora najmanje 40.000,00 KM bez PDV-a, izdatu od strane naručioca robe – original ili kopiju ovjerenu od nadležnog organa (sud, notar ili općina)“.

Naime, ponuđač ALBAT d.o.o. Sarajevo je dostavio kopije o izvršenju ugovora koje nisu ovjerene od strane nadležnog organa (sud, notar ili općina), što je u suprotnosti sa zahtjevom iz Tenderske dokumentacije. Osim toga, potvrde ni na jednom mjestu ne sadrže navode koji se odnose na puštanje u rad predmeta nabavke već samo isporuku ili isporuku i ugradnju.

Pored navedenog, tačkom 4.8. Tenderske dokumentacije koja se odnosi na jezik i pismo ponude predviđeno je da se „ponuda i ostala dokumentacija uz ponudu dostavljaju na jednom od službenih jezika u Bosni i Hercegovini, na latiničnom ili ćirilničnom pismu a da se štampana literatura, brošure, katalogi ili slično mogu priložiti bez prevoda ukoliko su na engleskom jeziku“.

Ponuđač ALBAT d.o.o. Sarajevo je u svojoj ponudi dostavio samo na engleskom jeziku, bez prevoda, kopije certifikata o osposobljenosti za instalaciju i konfiguraciju ponuđene robe za lica angažovana od strane ponuđača te kopiju autorizacije od proizvođača da je ponuđač ovlašteni serviser za ponuđenu robu, što je u suprotnosti sa zahtjevima iz Tenderske dokumentacije.

Shodno naprijed navedenom, ponuda ponuđača ALBAT d.o.o. Sarajevo se smatra neprihvatljivom.

Ponuda ponuđača Energoinvest SUE d.d. Sarajevo je u potpunosti prihvatljiva i zadovoljava uslove Tenderske dokumentacije i Tehničke specifikacije.

Shodno navedenom, članovi Komisije su uputili preporuku v.d. glavnog tužioca Tužilaštva-Tužiteljstva BiH za izbor ponuđača Energoinvest SUE d.d. Sarajevo, čija ponuda u potpunosti ispunjava uslove za nabavku predmetnih roba.

Uzimajući u obzir navedeno, odlučeno je kao u dispozitivu ove odluke.

Pouka o pravnom lijeku

Žalba se izjavljuje Uredu za razmatranje žalbi Bosne i Hercegovine putem Tužilaštva/Tužiteljstva Bosne i Hercegovine u pisanoj formi u tri primjerka neposredno, elektronskim putem ili preporučenom poštanskom pošiljkom u roku od pet dana od dana prijema ove odluke.

Dostavljeno:

- Ponuđačima,
- Odjelu za materijalno-finansijske poslove.

